

卷首·家训十则

家训十则

一曰敦伦

大伦有五君臣父子兄弟夫妇朋友是也居官者当承平之日宣力效忠各共厥职值有事之秋鞠躬尽瘁不恤身家固其分也吾家服儒者自不乏人倘异日得邀升斗尚宜知所自尽至若为士庶者毋谤官司早输国课随分报效亦足以见奉公之意父子兄弟人所共有古之称孝者尚矣然人各本于父母必当奉养无缺送终有礼朝夕问视愉色婉容切不可为不孝之事若手足之谊一体分形念友恭敦雍睦勿起讼端勿生嫌隙此所宜请也夫妇为人伦之始在夫当念敌体之谊勿以恶言而詈其妻在妻当思所从之重必以柔顺而敬其夫夫妇和而家道成矣朋友以信义为重大之有裨于身心小之有资于学问下之共计其衣食皆可以收其益若夫燕朋损友徒以饮酒博奕谑浪笑傲何足取哉此五者人之大节于是而多亏则衣冠而禽兽矣可不慎乎

二曰睦族

卷首·家训十则

父母之服斩衰三年兄弟则降而为期从兄弟则降而为大功再从兄弟则降而为小功至五世緦麻则服尽矣服尽则情疏情疏则谊薄甚而视若路人又甚而视若敌可深慨哉凡我同宗当思本源一体其在富者力能周恤则周恤之力能提携则提携之不可以卑而亢尊不可以少而陵长至于贫者亦当安身守己或耕凿或工商竭力为之无不可以自贍勿见人之有而阴忌之勿见人之美而私嫉之今者既立宗祠复修家谱前人之派次辨于上既有以尊祖而敬宗后人之班位明于下自有以同心而同德至于春秋祭祀列前列后合亲疏于一堂长长幼幼共言于两室而睦族之道未必不即在于斯矣

三曰读书

古人读书原以明理非为功名计也然三代以下功名亦何必不从书中得哉吾家素习儒业青衿代不乏人在有志者亦当延请明师教诲子弟勿于此而吝财勿于此而吝食至于子弟亦当体父兄之意励志诗书用心精进勿或作而或辍勿钩誉而沽名肯读肯问肯想无时不然或行或坐或卧无念不在则胸镜未有

卷首·家训十则

不明而宝玉未有不售者也若族中有可为人师者遇同族之子弟姿性过人即父兄不能捐资送读亦必为之教而玉成之幸勿轻而弃焉如此则掇巍科登仕籍何必不在我后人乎即不然而书香不坠亦可无愧先哲也

四曰力耕

耕为国之本而亦家之本也衣食足而后礼义兴使不务本力农以尽力于南亩而又不工不贾徒游手放闲衣食何由足哉在为农者必当竭力耕田日出而作日而息瘠硠者多积粪以肥之优旱者多蓄水以荫之陂池塘坝筑而修焉山林竹木围而禁焉至于山角之地无不垦之土园圃之中无或缺之菜则在在皆可收其利也矧在勤力者以肥美之田而早为栽插水旱虫蝗并不能害一岁之所获将倍于他人两岁矣衣食既足礼义自兴居家孝顺兄弟友恭品行端忠厚著则身为一族之楷模而子孙之振拔亦正未有艾也

五曰勤俭

圣人惜寸阴贤士惜分阴何其勤也人而不勤则士无以广其学农无以乘其时工无以精其艺商无以

卷首·家训十则

收其利邵子云一生之计在于勤岂不信哉至于俭美德也居家者虽于冠婚丧祭之礼吉凶庆吊之贐必不可少至于用物质而洁可也衣服朴而素可也饮食菲而薄可也纂组之奇金玉之器饗饕之费皆可以无庸曾见浮华之子目前人之朴质为迂愚必从而变之以习于华侈未几举前人所遗留尽为荡败者何可胜数然勤之与俭非独为男子训也为妇女者亦当习纺织操井曰供馈食以勤于家且衣不务华食不务侈用不务奢以俭于内则内助有人家道未有不日兴者也

六曰恭恕

昔子产合君子之道首在乎恭以是知人之持身涉世不可不恭也盖恭则衣冠必正瞻视必尊而骄傲之气可以潜消恭则交友以道接人以礼而谦隙之寡无自而萌恭固其要也至于恕之一字居家者尤不可少所谓恕者以己之心度人之心也天下人同此心则同此理我所喜人亦必喜我所恶人亦必恶惟类情通欲勿以我所不喜之事施于他人则得矣将见邻里之家不言你强我弱族党之内不争你是我非则讼狱之端何自起哉然此固非高远而难行也但凡一事之来

卷首·家训十则

为己谋亦为人谋为己想亦为人想设身处地将我心以比人心则私见自去矣奈何居家者竟知有己而不知有人哉

七曰戒赌博

古人樗蒲乃牧猪儿戏耳何今之子弟亦或为之彼其破产败家之敝昭昭在人耳目兹不具述特惜以有用之岁月而误置于无用也假使以好赌之心而为学则学必博以好赌之心而习艺必精以好赌之心而学书则字必工推他事专心致志皆足以极其精而收其益独奈何误用于此而竟勿思耶夫人莫不为父兄凡其所为必当示后人以可法貽后人以可久而必为荒废之事则在有志之子弟见之必羈而笑也在无志之子弟且尤而效也凡族之端人乡之正士见之必私而议也嗟夫人寿几何日夕不遑犹虞易逝而为此无益之事何哉况律令森严犯赌者绳以重法则可畏为尤甚也戒之

八曰禁为非

贫贱富贵自有定分不可强也世固有生同父母而富贵贫贱彼此异形者况吾族人丁繁衍岂能尽人

卷首·家训十则

富贵而无贫贱者乎第在贫者当知安分自守佣工以食力可也摩肩以自给可也至于万不得已之际乞假亦无不可自存廉耻以对祖宗亦以对父母兄弟妻子戚友夫天地尚有循环之运而运命岂无得失之时今日之贫安知他日不富乎人苟不知务此人于邪僻趋于匪类则乡邻必共恶之族众必共攻之或绳以家法或治以官司求其令终于肩下不得也可不慎哉可不惧哉

九曰勿听妇言

诗曰妇人长舌维历之阶书曰牝鸡司晨为家之索谓妇言之不可听也夫一家之中伯叔兄弟同根者也妯娌娣姒异姓者也根同则其情易合姓异则其心易睽往往然矣况今之妇女不娴姆教不通古今其贤淑而知义理者几人哉故其言每私而不能公也每狭而不能广也且于床第帷闼之间从容道之柔顺陈之为其夫者不觉其人而信之深矣兄弟不睦叔侄不和多由于此甚矣不可听也然岂必其尽无可听哉大抵可听者十常二三不可听者十常七八在明理者择之而已昔兢公曰十世同居对太宗曰不听妇人言而已

卷首·凡例

故取以为训

十曰息争讼

朝廷之设官固所以分争辨讼而圣人则以无讼为贵世之亡生觊觎而自逞其刀笔自恃其口辨日健讼于公庭者无足责矣即在端方自守之士亦必称反复思维忍而又忍于人之侮慢我者宽而容之即人之侵占我者犹缓以俟之倘或势不得已情所难容或遇可解之人有可释之处即不妨以大度容之切不可固执己见以启讼端古之人不有唾面自乾者乎凡处乡邻自应如是若在伯叔兄弟之间稍有拂意即欲共质大庭以分曲直此其无耻尤甚况夫讼之所需更繁费无等耶易不云乎以讼受服亦不足以敬也尚其念之

凡例二十二条

重草稿三条

一我族丁口浩繁在局者不能偏查惟各房长相亲相近彼此往来易于察贯且修谱世系各录各房凡生歿年月婚嫁名姓葬地山向务宜详实款式如有讹

卷首·凡例

漏为房长是咎局中誉稿后房长亲谒局校对毋胶执已见毋畏难苟安庶事归书一而谱易告成矣

一族中贤否不一凡非理之事类多弥缝我族房长须严查密察倘有侵占他人田山为坟莹基地及异姓乱宗婚姻渎伦貌公吞费隐漏丁口诸弊各房长宜即声明邀族议处

一礼称宗子易重元夫先将长子世系叙完然后接叙众子以派讳名目均照老谱欧式周而复始凡士绅两名者先书册名某更名字者先书原名某更字某有别号者次书号某次书年月葬所均用小字数行不可躐等失次失生年者书生年阙失歿年者书卒年阙失葬所者书葬未详失生卒年月葬所者书生卒葬所未详凡生丁各于小支分处宽留余纸一行望其生息无穷也凡故丁无后概不书无传以未接叙子几名某则无传可知不欲显白其宗祧空绝故也

专责任三条

一局中核稿须细心详审凡分支接派务宜的确如有论谬及疑似处即催房长查清逐一校对无讹然后誊真印刷至监盘对稿时尤宜精明开间有讹错字

卷首·凡例

样於字旁概用红印盖明而秉笔者不得任咎

——在局人各司其事尽其所长不得强不知以为知亦不得遇事回避饰词推诿凡处置诸事总申公义以彰大体乃可共观厥成

——齐费首事既经公举宜任怨任劳不可听其拖延如有拖延不付与支用不交者概凭公议处

节用度二条

——修谱费用浩繁各房长催费宜甘淡薄不可辄费酒食在局者必须节用凡朋友往来不得留宿待餐庶聚谈少而谱事易成

——买纸笔墨及一切应用经管宜随时登簿俟谱事竣凭众算明以昭清白

正明分二条

——我国朝庙讳御名俱遵科场条例恭避即孔孟先师讳及始祖高曾祖考讳均宜敬避后辈名字误与五服尊长同者亦宜敬避之

——文武功名保举捐纳应昭贯录必执照到局验明方可记载至于讨送功牌及买同姓遗札与冒顶歿名故照者须自裁度无庸希图朦混

卷首·凡例

严匹配三条

一派名后用大字平列者以夫妇相敌故也未婚书聘已婚书配重婚典也载明某县某人之女重所自出也继配三配照次平列惟妾室虽先娶必列于后直书侧室者嫡庶之别也

一婚姻为人伦之首如有兄纳弟妇弟配兄嫂且本宗妇为夫所出复改嫁他姓者后本宗人又娶为妻妾均干律例我族如有此等情弊查出公同重处

一母出与庙绝其主不得入祠然子无绝母之义乃于配氏下书生庚不纪卒葬以其外之故略之也若无子者宜于配氏下书改适二字庶名正而分明也

明继嗣三条

一立继有应继爱继之辨须分昭穆宜溯本源倘有上以叔为嗣中以弟为嗣下以孙为嗣紊乱伦常殊属悖理且有嫡长无嗣任其空绝与已继复废者均干律例我族如有此情况查出公同议处

一承继于本生父母编内生子几注明几子出继某人不忘其所自生也若所继父母编内书子某系某某之子入继倘后生有子家产必与俱分不得以亲

卷首·凡例

疏乱长幼之序

—正谱附谱最宜分辨如本族之子有出继异姓与随母去者于母名旁载明以为异日归宗之本若抚异姓子及随母来者于母名旁注抚某氏子入附若姓名不知者书姓名未详以昭清白不尽绝之意云尔

志迁徙二条

—我族迁居他处其亲属查明确凿方可录其世系年月葬所缴局纪载倘山河远隔虚实莫分无容录稿窃恐以假乱真

—先年近年往外不知下落谨知在某省者商贾书往某省贸易兵勇书从戎若不知其去向者则书远适往外等字以为异日归宗之本

详邱墓二条

—历来坟山族谱所载碑志墓铭合与不合为凭往往有自山自墓为人侵占皆由谱载不清所致老谱有载坐某朝某等向未免蒙混今于山向或兼或单须用罗经轻格定依二十四向查的未载已载俱宜详悉不可惮烦庶无后累

—碑石界址最关紧要无论公山私山与他姓山

卷首·凡例

界毗连者务必详载某邑都甲山禁坐向碑图契据以免后日争端其有尊合卑者书安葬某莹左右卑合尊者附葬某莹左右分同者书合葬某莹左右总以本山坐势分左右庶日后易于分辨

重收谱二条

一谱牒关系甚大毋得损坏污秽一切假冒自窃之弊尤宜预防兹皆详载目录编列字号注定领谱人名钳记庶便按号清查子孙各宜慎重其事违者公同议处

一谱牒珍藏贵密我族必须择贤能者收管每岁冬至前一日凡所领谱全册到宗祠会看祭毕仍各带回收藏不得自私翻阅如有鼠咬虫伤及漏坏字迹者公同重加处罚领谱者务宜凛之慎之

同治三年甲子岁季冬月上浣吉旦 合族公立